


Quadracer a bolter cu turista na Sero Cristal




ORANJESTAD (AAN): Diadomingo den oranan di atardi, un grupo di turista coriendo riba vehiculonan tipo ATV ("Quadracers"), a spanta ora cu nan a mira un di nan ta bolter, net riba caminda di Paradera pa Matividiri, na altura di Marawiel/Sero Cristal.

Debi na e accident aki, un

dama a resulta herida. E golpi di mas duro tabata na un ribchi, y visiblemente e parti aki ta hincha.

Ambulans y Polis a yega na e lugar, pa asina dune tratamento, y despues Paramediconan a bay cune Hospital, pa asina saca X-Ray di su pecho.

Hyundai a bay dal y kibra muraya di Supermarket



ORANJESTAD (AAN): Tabata Dialuna merdia cu chauffeur di un Hyundai Accent color gray metallic cu number A-17595 a bay dal den e muraya di Hong Kong Supercenter na Paradera.

El a dal den e seccion, net unda e Coolernan ta.

E chofer pa un of otro motibo no a primi brake, y kizas a bruha y primi trot cu

consecuencia el a bay dilanti y dal e auto kibra riba e muraya.

E muraya di e supermarket a haya un sker basta grandi y e auto tambe a haya daño material. Patruya di trafico tambe a presenta na e lugar pa tuma dato.

Esaki ta di dos biaha cu un vehiculo ta dal den e Supercenter aki.

Juan Oscar Steba 1930 - 2015

Scirbi pa J.Kock



Oscar a Nace na Corsow, 13 di Juni 1930 y a fayece dia 9 di October 2015 na Hulanda

Oscar a bin biba na Aruba cu 9 aña. E la bai Corsow bek pa sigi su estudio y na e school ey tambe e la siña toca trompeta. Den un tempo record di 9 luna ya Oscar tabata domina e trompeta asina bon cu e director di e Orkesta Philarmonico a integre den dicho orkesta. Cu e edad di 18 aña e la regresa Aruba. E prome agrupacion cu Oscar a integra aden na Aruba tabata "Caribbean Boys". E conhunto aki tabata ensaya na cas di Billy Picus. Oscar a toca "first trumpet" y co-dirihi "Caribbean Boys" durante e epoca 1949 pa 1953. Despues di "Caribbean Boys" a forma e agrupacion "Estrellas Rey de Copas". Un banda formal y bon disciplina cu a haci varios bon presentacionnan "live" na radio "Voz di

Aruba", den "Club Watapana" y otro clubnan grandi rond di Aruba. Prome cu "Estrellas Rey de Copas" a ser forma, Oscar a haci un gira pa San Juan, Puerto Rico, pa presenta durante un festival cu musica folklorico. Otro musiconan prominente cu a haci e gira aki tabata: Padú del Caribe, Edwin Zichem (cantante), Harry Lake (trompetista), y a forma un banda hunto cu musiconan di Corsow e.o. Julian Coco (guitarista) y Alejandro -Jandi- frans (cantante). "Estrellas Rey de Copas" a bira "Estrellas Lucky Strike" tambe un excelente conhunto dirigi musicalmente pa Oscar Steba. E ultimo conhunto grandi cu Oscar a toca aden tabata "Sensacion Musical". Aki nos ta papia di "crème de la crème". "Sensacion Musical" tabata un berdadero "Sensacion". Oscar tabata aregla, dirigi y toca primer trompeta. Su coleganan musico tabata e.o. Arnold Beyde y Donny Pietersz (trompetistanan). Cantantenan: Bolerista Tirso Steba (ruman di Oscar), Edwin Zichem (cantante - manager), Juancho Kock (cantante), Eddy Bennett (pianista), (bahista), Ebby Peterson (timbal), Arturo Calmes (congero), Erwin Tujeehut (cantante y percucion). "Sensacion Musical" nunca a graba disco, algo di lamenta, pero si tin hopi grabacionnan riba cinta. Eddy Tromp di ex "Butishi di Alegria" tin un coleccion grandi di "Sensacion" manera tambe e banda ta ser jama. Na principio di aña '70 e musiconan voluntariamente a desintegra e banda. Oscar a jega di compania varios artista grandi e.o.: Alberto Beltran, Orlando Vallejo, Rolando la Serie, Bienvenido Grande y otronan. Despues di e epoca di "oro" aki, Oscar a dreña hotel como musico profesional na aña 1970. Conhuntamente cu Sonny Yearwood (pianista) nan a forma "Los Decanos del Ritmo". Despues di "Decanos" Oscar a bai toca como bahista pa un orkesta grandi di dif. Fred Stamer cu tur anochi tabata compania shownan grandi na "Sheraton Hotel".

Na 1975 Oscar a ser honra como e prome "Music-man of the year". Su yiu Reno Steba u (bahista), virtuoso di fama mundial a encurasha Oscar pa siña toca piano y prome cu el a fayece el a toca piano. Oscar tin un carera largo y briyante y a continua cu e mesun vigor tocando piano, y a toca tambe saxophone apesar di ta trompetista, bahista y arreglista. Hopi hende no sa pero Oscar ta un bon cantante di bolero tambe. Oscar Steba, un musico "por excelencia".

Prome cu Oscar a bai biba na Hulanda su persona a toca baho pofesionalmente cu Oscar Serrano den e orkesta di oscar Serrano cu ta "The Argentine Express" E Orkesta aki tabata toca tur anochi 2 show uno den "Rembrandt Room" na unda tabatin dinner-show y otro den "Diablo Bar" den Hotel Sheraton.

E noticia cu Oscar a bai sosega tabata un shock pa hopi di su amigonan musico y otro conocirnan. Cu nos gran amigo Oscar por sosega den braza di nos Creador.

Telefonnan di DIARIO

Tel: 582 6747 Fax: 582 8551